

OMUKUETU

7

ESIKU 15 JULIE

1949



Ondjimbo Jaajapuki

Ongoje. Jesus, tue ku pandula,
Aajapuki sho ue ja fudiša.
Oubili ie na, sho ja sindana.
Halleluja. Halleluja. Halleluja.

Omolugozi ue ja popile,
Miikungulu oue ja gamere,
Muusiku uaqo Ngoj' uujelele.
Halleluja. Halleluja. Halleluja.

Tu kuasa, na tse tu ja laudule
No mokukondja tse tuaa loloke,
Shišani—sindano Ngoj' u tu pe.
Halleluja. Halleluja. Halleluja.

Uugumue mbu uunen' uaajapuki,
Ojo megulu, tse opevi ndi,
Om' Omüua tatu tsakaneneni.
Halleluja. Halleluja. Halleluja.

Muudigu mba no tamu uuvika,
Megulu sho taa tang' Onzigona,
Tua kumidua uo okusindana.
Halleluja. Halleluja. Halleluja.

Esiku ndjo enene tali ja.
Meaadimo Omüua ta holoka,
Aajuuki ajehe taa gongala.
Halleluja. Halleluja. Halleluja.

Okooha devi nomafuta uo
Taa zi ko, ju uuka koshitugi sho
Kalung' ti imbilua epandulo.
Halleluja. Halleluja. Halleluja.

IIKAHA JANDJE. (Gordon)

Iikaha mbi jandje kui ju uuza,
juuza iipako mbjo,
kui ja azima, šo nde ji tala
ong' uue ueazimo.
Ihe Omüua a gumu ndj' iikaha
no nda mono iišaho mbjo je,
Niipako ajihe nde ji eša,
nda aneke komeho ge.
Kamakaha, kua ti Omüua,
kamakaha naku kale
ngu ta longo iilonga mbi.

Nda li ndi niikaha ja njata,
ju uuza ondoja ngej',
niilonga ajihe iivunaji
nda longo, ngame omükueji.
Ihe Omüua a gumu ndj' iikaha
niikaha jombinzi ndjo je;
Nda kumua; nda mono iikaha
jandje ja jelisua ngeji.
Iikaha ja jela, kua ti Omüua,
Iikaha ja jela naji kale
ojomulongi guiilonga mbi.

Nda li ndi niikaha ja kola,
ojo ja kukuta,
šo nde erde nondjila ndjo jandje
tuhalu ude u landula.
Ihe Omüua a gumu ndj' iikaha,
nomuenjo gua lombuelua:
Niikaha mbjo joje ji tula
niikaha ja Jesusa.
Tula iikaha, kua ti Omüua,
niikaha jandje ja kola,
no to longo iilonga mbi.

EGALIKANO MOHELI.

"Oje okua ti: „Tandi ku galikana ano, tate, mu tuma ihe kegumbo lja tate, ošoka ondi naamuameme aalumentu jatano e ja hokololele najo uo jaa je meh ndi ijuuehamue." Luk 16: 27, 28.

Omükriste keh oku shi naua ooverise nzika mbali, kutja olje a galikana ngeji. Atuhe tatu jamukula mbala. Omujamba ngujaka a li a zala nguuo ontiligane no ntokole. Nangoka ta turua kegumbo, oje olje? oLasarus omunamajina ngui. Ngashingeji omujamba a hala ano Lasarus a tumue kombanda jevi a ku uvišile aamuajina jatano, ošoka omülumentu nguka a li a tseja naua uukukutu uaamuajina, e ši ši naua kutja ihaji itališua komukuambanda jevi omukuauo. Ihe ejamukulo lja tate Abraham otali ti ngini ano? „Ojo je na Moses nooprofeti, naa uuve mbejaka." Ihe omujamba i tseja je muene nošo uo aaamuajina, natango tu. Andola guumue guomaasi, ando taa itezulula. Ngele itaa uuvu Moses nooprofeti, itaa tompua nando namu jumuke guumue guomaasi.

Omukuetu omuholike, otse na ngoje mbaka tu li po natango, hatu longiša epulo ndika: „Olje a zile kor" Etumbulo ndika li holike kuaa mboka ja hala okuikukutika, ngele taku popiua ejumuko noheli. Omujamba a li a hala omusi gumue a ku uviše natango evangeli etijali li vule lja Moses nooprofeti, ihe aaue, itaši ningua nande. Otse jom Etestamenti Epe tua hala natango pu guezue Etestamenti etijali komüsi. Obibeli taji tu tompo jojene Leša Gal. 1:7—8. Taji tu jelišile, kutja nando omujengeli tu uviša evangeli lilue, oje na tulue omutima. Omolua šike ua hala natango omusi omutijali oje e ku tezululiše, ngele ino tezululišua ku ngoka guotango, nomutijali ite ku tezululiša. Guotango olje? Oje Jesus Kristus. Oje a ningi omutango gaaši. Obibeli nge itaji ku tezululiša nomusi gulue ite ku itališa nande. Leša Joh. 11: 53; 12; 10 Lasarus gua Betania a jumuzua kuusi, ihe aasaseri oja hala oku mu zipaga nokuli. Ano taši tu tsejišile naua, omukuambanda jevi ita tezululišua komusi ote mu zipaga ašike.

Otse nangoje nge tua hala natango tu uvišilue komusi, tu ši nzingilike naua, oljo enzingiliko jekano lje'u. Ekulilo lja longua lja pua ku Kristus, onkee itaku puu mbua ue omüsi a šune kombanda jevi a ku uviše heli, omoluetu mbaka tua hala kusi ku ze gumue. Opo ndi itezulule. Oje na Obibeli naasita naalonghapu, naa uuve mboka.

Tu imueneneni. Šaa ngoka nuuike ue i ipule egalikano ndika lja galikanua moš heli. Ošo ojendji jomaamuameme je li mo, taje tu valikanene, ošoka ja tseja uukukutu uetu.—

„Kanjandi"

IKAHA JA JESUS.

Olli, nando okanona okašona, oka li ke ši ši nokutja otaka si, no mbalambala taka taambua ku Jesus.

Oke ši hokololelua komuhunči guako guomunasaresa moka Olli ka li ka lala mo. Ihe esiku limue okamati ka kuatua ketilo enene noka tameke okulila noonkondo. Šo tue ka pula: „Oto lilile šike"? oka pula nokati: „Ihe otandi ningi ngini, ngele itandi mono Jesus?" —Omuhungi okue ka jamukula nokua ti: „Opo Jesus ote ku mono." Nena Olli a gundjilika.

Uusiku ue ja. Tua li tua tegelele nale omujenda gua Olli, kokutja eso, ihe natango tuu mokati kuusiku inali ja, Olli okua fuza tuu kašona. Pešimbo tuu ndika tua uuvu, nkene a tameke okupopja nokua ti: „Jesus, otandi ku mono tuu šili, ošoka miikaha oje omi nišaho mbi, kaji li miikaha iojaakuauo." Ošipala šoka ša aazima noje okui imemeha. Olli a kumuka. Okašimbo kouala nuujelele ua zi komeho ge, noje okua fuza efuzo lje lja hugunine. Olli kua tembuka, nokua taambua miikaha ji nišaho, nokua ji megulu.

ENJANJU MOLUEKOKO LJUKRISTE.

Onda njanjukua šoka nda leša ošifo, nonda mono omualu guaakuanegongalo a

jehe je li mO lambo.

Ošiuanaa uunene, ngele aana ja Kalunga tu galukile kegumbo lja. He olia Tate megulu. Simue ašike tu noku ši zimbulus kua, elaka ndjoka: „Taamba enzinziliko eja puki ljomušgakano omčšipala nopontulo ije, ji ninge onzapo jokatja oua kulilua, no ua ningi omulungua gue.”

Šimue haši njateke omušigakano, ošo chalo ljonama, ezina lja simana omuntu e li mono enene li vule ndjoka ljomušigakano ngoka a peua kOmūua.

Oko kua aalelua Omūna lua Kalunga, oKristus, moka mua zi ez na ljoje no lja ndje tali ti: otse aakuaKristus. Otaku tiua: „Kamu ši ši, oomboka haa matuka mondjila jesigaganano, ajehe otaa matuka, ihe gumue ta hakana ondjambi jesindano. Matukeni ngaši ngu jaka, mu ši hakane.” 1Kor, 9: 24,

Omūua Kalunga ne tu kuase šaa gumue gomutse e li muomuaalu ngoka, a ha kale mo ouala, nenge osima, ihe a ka mo ne ešikilo li nelago košituši šOnzigona, ošoka tatu lalakanene, okomuenjo gualuhe.

Ekundo ljohoole kuaajehe.
Epafas T. Matheus.
Decoligny Skool
Posbus 158.
Umtata. K. P.



EPANGULO HALI NJENGE KUFUTUA.

Šo tu li muujuni, ngele otua jono ko veta nenge kOmūkuanilua, ohatu futišua iimaliva nenge oongombe. Ngele katu na ša, otatu jalulilua omasiku ga jeleka iifutua mbjoka mandolongo. Ihe oku nepangulo

hali njengana okufuta. Olio olini ano? Oljo okujona ku Kalunga. Kalunga keena šoka a pumbua, ošoka oje omuene guaajihe. Ano omūkuetu, šo tu na omaono ogendji, otas tu futu šike? Aae omūkuetu, onke ano tu e: delele okuhempulula oondjo zetu.

Ošoka ondolongo ja Kalunga, oje omūlilo gualuhe hagu li aambanda naanahoni okuihokolola. Tu tonate omukuetul Kristus e tu sindila ijihe, nuumbanda nohoni uc. Ano hempulula oondjo zoje ozozi ziminue po, ošoka ešimbo lja ningi efupi.

Johannes Amunjela
Posbus 38,
Usakos.

UUTOJE UOMŪNANKONDO.

„Oondja oza zi memufukezi, nuutoje omomunankondo.” Rigters. 14:14. Kokutja: „Uulunde oua zi mu satana omufukezi, nuutoje oua zi mu Kristus omunankondo.

„Ošike ši vule oonkondo zonime? Ošike ši vule uutoje uomagazi goonjuši?” Rigters 14: 18. Kokutja: Uulunde u vule oonkondo zonime, nehupišo ljomuKristus li vule uutoje uomagazi goonjuši.

Ongame onda zimbulula uulunde mpoka u šike, noonkondo za satana nde zi jeleke zi vule onime noonkondo zajo. Oje omūfukezi e vule ošingulu. Ehupišo nesiloshenda lja Kalunga ljomuKristus nde li tala oljo li vule uutoje uonjuši, ljo kali ši kusetegamišua nande nošilveri niingoli mbjoka haji hulu po. Nani satana te entamene no muukololo nomomasilu nuujuni auhe, a tale tuu mpoka ta mono ngoka te mu ninagula. Shika onde shi mono pakukala kuugundjuka, oomuigo za satana sho zi indjipalele ndje, ngame nonda s'uumbanda mokukala mokati kaantu.

Ihe nani esilohenda lja Kalunga nomušigakano gua Kristus otagu kala gua kola gua kolelela. Esiku limue mokukoša kuandje satana a kondjišandje, konjala a kuate ndje, ihe ongame ndi igiza muunjugui uandje: Olje ta kondjišile ndje omunandjahi nguno, olje ta sindile ndje omufukezi nguno? Ke

silohenda ndjoka ljomu Kristus omutumua
gua Kalunga azenge satana montaneho, no-
kue mu sindi nomušigakano. Ngame no-
nda mono uutoje mbuka uomu Kristus u
vule uoonjuši.

Aakriste ne aaholike, šeta ša penduša
ndje oku ku popišiša Omu uetu ošo: tu ke-
ndieni uujuni uaa je mutse. Tu izizimikeni
otse mbaka tua kondekua kondjahi ja satana,
ošoka Omukulili okue tu hala tu makele
uutoje ue kau uapa ša.

Aakuetu aaholike, ojendji otse tuu
mboka tua li tua tambišua esilohenda lja
Kalunga okešašo ejapuki, tse tua jamu ke-
gundji ejapuki, no tu uvu eišano oku ka
longa mepja lj'Omūua, ihe inatu ja. Nande
tua mono kehe esiku nesiku esilohenda lji
indjipala nokeñañu kua guezua, ihe inatu ja.
Eeno, jakuetu jamue oje uvu eišano ndika
noja valika kuljo. Ošoka oje ja tseja noja
zimbulula nguka kua li ko no ku li ko,
no ta kaka la ko, oje omutoje nomuuanaua
noja tseja, satana oje onime, onke ano ha-
je ji kondjiša okujo no kutse. Ihe omukuetu,
nda hala ekondjo ndika lja hule po... Mas-
keleni ne mu tale Omūua oje omutoje;
omulumentu omunelago oje ngoka ha
kongo ekušo puje." Eps 34:9. Omugundju-
ka omukuetu, tu londoke iita jomutondi tse
tu je ku Kristus kuutoje kau uapa ša.

Ekundo kune aakriste.
A. A. Julius

AUGUSTUS. 1949.

- 1 M Room 6 12-18. Iil 14 12-28
- 2 D 1 Kor 9 24-27. Iil 15 1-12
- 3 W 1 Kor 6 13-20. Iil 15 13-21
- 4 Do 1 Tim 4 1-11. Iil 15 22-33
- 5 V Room 12 1,2 Iil 15 85-16,7
- 6 Sa Mk 9:43-49. Jer 23:16 29. Iil 16:8-15
Room 4:1-8. Mt 7:12-14. 1 Aakuan 18:36-39
- 7 S Os 8 ja landula Uukuatatu
- 8 M Mt 5:13-16. Iil 16:26-40
- 9 D Gal 5:25-6:5. Fil 1:1-11
- 10 W 1 Tess 4:1-8. Fil 1:12-18
- 11 Do Fil 2:12-18. Fil 1:19-26
- 12 V Gal 5:16-24. Fil 1:27-2:4
- 13 Sa Hebr 6:1-9. Omajel 16:1-9. Fil 2:5-11
Room 6:19-23. Lk 12:42-48. 1 Moos 39:1-5
- 14 S Os 9 ja landula Uukuatatu
- 15 M Ef. 5:15-21. Fil 2:19-30
- 16 D Mt 10:26-33. Fil 3:1-11
- 17 W Omajel 16:1-9. Fil 3:12-4:1
- 18 Do 1 Tim 4:6-16. Fil 4:2-9

- 19 V Mt 13:44 46. Fil 4:10-28
- 20 Sa 1 Kor 10:1-15. Jer 7:1-11. Iil 17:1-5
Room 5:11. Joh 8 21-30. 1 Moos 18:20-28
- 21 S Os 10 ja landula Uukuatatu
- 22 M Mt 22:15 22. Iil 18 4-17
- 23 D Neh 4:7-21. Iil 18 18-28
- 24 W 1 Pet 2:13 17. Iil 19 1-12
- 25 Do Room 13 1-7. Iil 19 13-22
- 26 V Jer 18:1-10. Iil 19 23-40
- 27 Sa Jer 7:1 II Dan 9:15-18. Iil 20 1-16
Room 5 12-21. Mt 21:28-31. Dan 9:15-19
- 28 S Os 11 ja landula Uukuatatu
- 29 M Mk 9 33-37. Iil 21 1-14
- 30 D 1 Sam 17:42-51. Iil 21:15-26
- 31 W Lk 7:1-10. Iil 21:27-40

SEPTEMBER 1949

- 1 Do 2 Sam 12: 1-14; Iil. 22: 1-16
- 2 V Ef. 2: 1-10; Iil. 22: 17-21
- 3 Sa 2 Sm.16:5-14; Js.19:18-21; Iil 22:23-30
Room.6 12-18; Mt 12:33-37; 1 Sam 3:1-10
- 4 S. Os. 12 ja landula Uukuatatu
- 5 M Mar 1: 21-28; Iil 23:12-35
- 6 D 2 Aakuan. 20: 1-7; Iil. 24: 1-21
- 7 W Omajel.23:22-26; Iil 24:22-27
- 8 D Mt. 9: 35-38; Iil. 25: 1-12
- 9 V Mk. 5: 22-43; Iil. 25:13-27
- 10 Sa Mt 9:27-34; Sak 7:4-10; Iil.26:1-11
Room 7:1-6; Mt 5:43-6:4; 1 Moos 50:15-21
- 11 S Os 13 ja landula Uukuatatu
- 12 M Jaak. 2:1-9; Iil. 26: 24-32
- 13 D Mt. 10: 40-42; Iil. 27: 1-13
- 14 W Sak. 7: 8-14; Iil. 27: 14-26
- 15 D 2 Moos. 22: 21-27; Iil. 27: 27-44
- 16 V Joh. 13: 31-35; Iil. 28: 1-10
- 17 Sa Aamos. 5: 12-24; Ps. 50: 14-23
Iil. 28: 11-16
Room. 7:7-25; Joh. 5: 1-14; Ps. 50: 14-23
- 18 S. Os. 14 ja landula Uukuatatu
- 19 M Mk. 1: 40-45; Ps 117
- 20 D 2 Kor 9: 6-15; 1 Tim. 1: 1-11
- 21 W 1 Tess. 2: 13-20 1 Tim. 1: 12-20
- 22 Do 1 Tess. 1: 2-10 1 Tim. 2: 1-7
- 23 V Fil. 1:12-21; 1 Tim. 2: 8-15
- 24 Sa Fil. 3:7-14; 1 Aakuan. 17:8-16.
1 Tim, 3; 1-13
Room 8 1-11; Lk. 10:38-42; 1 Aakuan.
17: 8-16
- 25 S. Os 15 ja landula Uukuatatu
- 26 M 1 Moos 31: 55-32: 10; 1 Tim 4: 1-5
- 27 D Joos. 5: 13-15; 1 Tim 4: 6-11
- 28 W 4 Moos. 22: 21-35; 1 Tim 4:12-5:2
- 29 Do Ehol. 12:7-12; 1 Tim. 5: 3-16
- 30 V Lk. 10: 17-20; 1 Tim. 5: 17-25